

DISSERTATIO

DE

*ISOCRATÆ,
ORATORE GRAECO,*

CUJUS PARTEM PRIOREM

ADPROB. SENAT. PHILOS. ACAD. ABOENSIS,

PRÆSIDE

MAG. JOHANNE BILMARK,

HIST. ET PHIL. PRACT. PROF. REG. ET ORD.

PRO GRADU

ventilandam proponit

GUSTAVUS HICKERT,

DALEKARLUS.

In Audit. Super. d. 22 Jun. 1793.

horis a. m. confv.

ABOÆ

IN OFFICINA FRENCKELLIANA.

GROSSHANDELAREN

i STOCKHOLM,

OCH

BRUKS-PATRONEN,

HÖGÅDLE HERR

PEER LUNDERSEN,

Tilägnas i ödmjakhet denna Afhandling
af

Des

ödmjuka tjenare

GUSTAF HTCKERT.

ISOCRATE, ORATORE GRÆCO,

P R A E F A T I O.

Artium scientiarumqve primordia, qvo propius nascientis orbis incunabula attingunt, eo magis sunt obscura, adeo ut vix ac ne vix quidem agnoscenda indagantibus permittant sui vestigia. Probabile admodum est, in ista generis humani infantia, præstantissimas hominibus concessas facultates, rationem scilicet & orationem, parum valuisse, singulis in comparatione rerum, ad vitum & amictum maxime necessariarum occupatis, ac segregam vitam degentibus, ferme adinstar barbarorum, in vastissimis Americae sylvis adhuc errantium. Postqvam autem horum posteri incommoda, qvibus in statu naturali quotidie premebantur, evitaturi, et studio cum desideratam tranquillitatem tum aliqualem obtinendi commoditatem in civitates commigrarunt, suaqve arbitria in caussis majoris momenti decretis unius personæ sive physicae sive moralis submiserunt, libertatis tamen, qua antea gavisi fuerant, non adeo sunt obliti, ut non ejus tantum retinerent, quantum status civilis ferret ratio. Quare etiam negotia, civitatem concernentia, non ex unius beneplacito, sed juxta prudentiorum civium, qvi ingenio & eloquio pollebant, suffragia tunc decidebantur. Qvotqvot igitur vel alios sibi devincire, vel præ cæteris in publicis eminere voluerunt consultationibus, in eo elaborarunt, ut facultatem ad persuadendum accommodate dicendi, cui Eloqventiæ nomen deinceps fuit tributum (a), sibi acqvirent. Annales igitur docent, in civitatibus per orbem olim celebribus, nullum fere negotium ad finem perductum absolutumqve, nullum bellum vel indictum vel compositum, nullam legem vel latam vel abrogatam fuisse, nisi populum de re sucipienda ejusqve in salutem publi-

(a) *Vid. Ciceronis de inventione Libr. I, Cap. 2.*

cam vi aliquis antea instruxisset Orator, civiumque sua consilio duxisset decreta. Eloquentia igitur praecipuus fuit usus in rebus Politicis & forensibus; unde intellectu est facillimum, quid causae fuerit, quare Gentium antiquarum Politici & quotquot summam rerum administrarunt, in eloquentia colenda atque perficienda operam enixe collocaverint.

§ I.

Gentium antiquarum, si ab Aegyptiis & nonnullis forte aliis discesserimus, primi habentur Graeci, quos deflore artium, scientiarumque promovendo optime meritos proponunt Historiae Litterariz Scriptores. Qvod sicut in genere est veritati consentaneum; ita hoc elogium speciatim de Artibus elegantioribus & arte Oratoria valet. Superfunt enim adhuc, velut tabulae ex Litterarum naufragio collectae, plurima ingenii atque industriæ eorum monumenta, quæ populum arguunt ingeniosissimum, & artibus illis tam excolendis quam perficiendis natum quasi factumque. Ut enim plurimas easdemque præstantissimas artium reliquias nunc prætereamus, in confessu est, veteres Graecos omnibus aliis palmam eloquentiae præpuisse: (a) *Grajis ingenium*, verba sunt Horatii (b), *Grajis dedit ore rotundo . . . Musa loqui*. Eam enim Graeci sibi comparaverant eloquentiae laudem, ut ad eorum imitationem semet componerent præstantissimi tam Romani, quam aliarum Gentium Oratores, omni in id studio incumbentes, ut ad Graecorum dictionem quam proxime accederent. Quam arduus vero hic fuerit conatus, vel exinde colligi potest, qvod unicum habeamus MARCUM TULLIUM CICERONEM, quem egregiis Graecis Oratoribus parem judicare liceat, quem vero superiorem, citare possumus neminem. Postquam autem jamdiu apud Graecos excul-

(a) Vid. Ciceronis de oratore Libr. I. Cap. 4.

(b) Vid. Libr de arte Politica v. 323 seq.

exculta fuisset Eloqventia, nonnullis eorum in mentem veniebat, id, qvod in aliorum orationibus pulchrum fuit atqve venustum, obserbare (c), observatumqve certis quibusdam adstringere præceptis & regulis; unde nova exsilit disciplina, Rhetorices nomine deinceps insignita, sicut illi, qvi in hoc eruditionis campo se exercebant, Rethores appellabantur. Hos inter memoria imprimis digni sunt *EMPEDOCLES* Agrigentinus, quem primum huic disciplinæ operam impendile narrant Historici, & *ANTIPHON*, qvi primus Litteris mandavit, qvæ observanda esse existimavit, Eloqventiæ præcepta; qvibus deinde successerunt *GORGIAS* Leontinus, Empedoclis, ut traditur, discipulus, *THRASYMACHUS* Calcedonius, *PRODICUS* Chius, *Abderites* & *ROTAGORAS* & multi alii (d). Ut vero artifices optime judicant de eo, qvod in sua cujusque arte est pulchrum ac venustum; ita etiam veterum Oratorum non pauci in præceptis Eloqventiæ tradendis multam collocarunt operam; unde factum, ut dictu sæpe sit difficile, utrum in Oratorum vel Rethorum numerum quidam Eruditorum Græciæ sint referendi. Qvos inter præceteris nominandus est magnus ille Eloqventiæ Magister *ISOCRATES*, unus ex decem præstantissimis Græciæ Oratoribus, cuius e Iudo, ut verbis utamur *CICERONIS* (e), tamquam ex equo Trojano, innumeri principes exierunt; qui interdum Orator, interdum etiam Rethor ab harum Litterarum Scriptoribus nominatur (f). Nos solitum ac longo jam tempore receptum morem fecuti, nomen Oratoris ei tribucre non dubitamus, licet certo non constet, an publice & in concione populi aliquam habuerit orationem. Sicut autem propter ingenium valde inclaruit, ita vnam ejus & merita non pauci consignarunt, qvorum

A 2

qv*i*(c) Vid. *QVINCTILIANI Institut. Orat. Libr. III Cap. 2.*(d) Vid. *QVINCTIL. Libr. modo citat. Cap. I.*(e) Vid. *CICERONIS de Orat. Libr. II. Cap. 22.*

(f) Exsilit igitur Iocrates . . . (cujus domus cunctæ Græciae quasi

qui ad nostram pervenerunt notitiam strictim nominabimus. Antiquos inter citas se sufficiat PLUTARCHUM, PHILOSTRATUM, & DIONYSIUM Halicarnassensem, inter recentiores autem præter FRED. G. FREYTAG, qui decadem edidit Oratorum & Rhetorum Græcorum, quibus statu honoris causa fuerunt positæ, & Dav. RUHNKENIUM, qui Historiam criticam Oratorum Græcorum conscripsit, Speciatim quoque Gottl. Bened. SHIRACH edidit *dissertationem Hale an 1765 in 4:o* duabus constantem partibus, quarum altera de vita Isocratis, altera autem de genere ejus scribendi fuso & erudite agit (g). Quamvis vero memoratam hanc dissertationem conspicere nobis non licuerit, ne tamen actum agere videamus, nostra qualiscunq; in eo versabitur opera, ut, expedita prius Legentium mitiori centura & æquanimitate, non modo vitam Isocratis in hac opella, sed characterem & ingenium in secutura parte posteriori, scriptis ejus ubique in subsidium vocatis, breviter depingamus.

§. II.

Circa Olympiadem LXXXVI, Athenis, Lysimacho Myrrhinasio ibidem Archonte (a), lucem vidit ISOCRATES, Oratore *Lysia* duobus & viginti annis natu minor, sex autem vel septem Platone major (b). Pater ejus fuit THEODORUS, Erchiensis, civis Atheniensis, mediocris conditionis, cuius vero servi, tibiarum fabri, tantas domino ac magistro suo paraverant dvitias, ut magnis in republica muneribus admoveretur, & libertos suos, quo-
rum

Iudic. quidam patuit atque officina dicendi) magnus Orator & perfectus Magister, quanquam forensi luce caruit, intraque parietes aluit eam gloriam, quam nemo quidem, meo iudicio, est postea consecutus, vid. CICER. in Bruto Cap. 8 & in Quæstion. Tuscul. Libr. I. Cap. 4 Rhetor nominatur.

(g) Vid. FABRICII Biblioth. Græc. edit. HARLES Libr. 2 C. 25.

(a) Vid. Plutarchi vit Isocratis, Diogenes Laertius in vitis Philosophi, Dionysius Halicarn., de antiquis Rhetoribus.

rūm præter Isocratem tres habuit filios & unicam filiam, optime educare posset. Isocratem imprimis quod attinet, in confessio est, eum a præstantissimis, qui hoc tempore floruerunt, eloquentie Magistris fuisse eruditum, artis que Oratoriæ cognitione imbutum. Audivit enim & *Prodicū Chitum*, & *Gorgiam* Leontinum, & *Tisiam* Syracusanum; quibus nonnulli addunt *Theramenem* Oratorem (c). Neque vero a vehementibus illis, quibus hac tempestate patria sua agitabatur, turbis immunis fuit paterna domus, quæ gravem omnino rei familiaris fecit jacturam. Dirutis enim in bello, quod Atheniensis cum Lacedemoniis tunc gesserunt, omnibus fere patris sui possessionibus, factum est, ut qui magnas aliquando jure hereditario exspectare posset opes, omni proflus privaretur patrimonio (d). Quid igitur adolescenti, in has angustias redacto, & gloriæ nihilominus cupiditate flagranti, agendum supererat? Sicut erectæ fuit indolis, ita omni in id studio incumbendum secum statuit, ut ingenium, quo eum natura ornaverat, acerrimum excoleret. Ad rem publicam vero dum animum applicuisset, statim sensit, se duabus destitutum facultatibus, in ea palaestra, quam ingressus fuerat, ut negotia ex voto succederent, apprime necessariis. Iteraris enim experimentis tatis didicit, deesse sibi eam & animi audaciam & vocis contentionem, quas in suis Oratoribus postulabant sui cives. Invita igitur Minerva nihil acturus, aliam ad gloriam & opes sibi parandas, viam inire constituit, cogitataque sua litteris mandando, patriæ civibusque tantum, quantum posset, emolumenti adferre decrevit (e). Enimvero antequam longius in stadio incepto progredimur, juvat exemplum quoddam probitatis Isocratis, quo ratus, eo luculentius, præsertim, quum

A 3

ado

(b) Plutarchi Libr. citat.

(c) Quod quidem sine hæstitione affirmat Plutarchus Libr. cit., sed ut rem dubiam narrant Dion. Halicarn. & Suidas in vita Isocratis.

(d) Vid. Plutarchi loc. cit. & Divn Halicarn. loc. cit.

adolescentes seipsoſ magis, quam alioſ, respicere ſoleant, in medium proferre. Memoriæ ſcilicet prodiſ PLUTAR-CHUS, Theram nem, oratorem illum, qvem Iſocratis fu-ſiſe præceptorem ſupra indicavimus, dum ob ſtudium in re publicam, in trinacria tyrannorum, qui dominatum Athenis occupaverant, odiuſ incidiſſet, ne ab hiſ comprehen-deretur, ad aram in curia coufugieſe, cæteriſque omnibus metu velut attronitiſ, Iſocratem, amore in patriam & præ-ceptorem fidelißimum accenſum ſincerimo, surrexiſſe, in-noceſtiæ ejus luſa oratione patrocinaturum. Effuſam vide-re nobis videmur non hominum modo, ſed geniorum etiam coronam, ad ſpectaculum duorum amicorum, inter ſe certantium, quiſ alterum probitate, quamviſ hæc vitæ periculo conſtaret, ſuperare. Sed non paſſus eſt Theramen, ut Iſocrates iſti, quiſ ſibi proposuerat, ſe expo-neret aleæ, ingenuoſ professuſ, priuata ſibi calamitate id futuруm acerbiuſ, ſi cui amicorum luſa cauſa periculum creareetur (f). Non equidem ignoramus, hoc factum Iſo-cratis a Cel. HARLES indubium vocari, ex eo capite, qvod nonnulli Scriptores (g) idem de *Socrate* perhibeant. Qvod tamen ad convellendam fidem narrationis Plutar-chi eo minus valet, qvod & recentioris Scriptoris iſta ſit præſumtio, & nominum non multum diſcrepantiuſ faciliſ fieri potuerit permuſatio. Majorem qvidem haberet vim argumentum a verecundia & timideſtate Iſocratris de-sumtu, qvod tamen nec rem iplam conficit, multiplici docente experientia, juſtum dolorem & ex hoc natam vehementem indignationem torpidis etiam addere animuſ, ut virtus præcordia redeat.

§. III.

Progredimur jam, quibusqve imprimis adminiculis tantas ſibi comparaverit diuitias, tantamqve conſecutus ſit

(c) vid. Epifol, Iſocratis ad Philippum, item ad Mityl. nec non Ciceronis de Oratore Libr. II Cap. 3.

(f) Vid. Plutarchi Libr. citat.

fit nominis celebritatem, paucis ostensuri. Quamvis igitur voce non valeret, Eloqventia tamen studio non renunciavit, sed ingenio atque calamo aliis inservire operose nitebatur. Composuit enim pro aliis, suam defensuris, caussam, præcipue vero rem publicam capessere volentibus, Orationes, quarum argumentum, non ad morem Sophistarum, res concernebat frivolas, aut mere curiosas, sed quarum disquisitio tam singulis cibibus, quam integris Nationibus esset utilis, easque ita elaboratas, ut & rationum soliditas & stili elegantia easdem ex æquo commendaret. Hinc igitur factum, ut optimæ indolis atque acerrimi ingenii Græciae juvenes ab eo in civili præcipue Eloqventia, quam a forensi primus distinxerat, eruditæ euperent, quos inter, qui vitam Isocratis considerunt, nominant Hyperidem, Isæum, Xenophonem, Theopompum Chium, Ephorum Cumanum, Thrasimachum, Demosthenem, aliaque Litteratæ Græciae Lumina. Præter institutionis vero successum, quo Hocrates valuit, singulari prædictus fuit sagacitate in detegendis atque dignoscendis discipulorum ingeniis. Ferunt nempe, Demosthenem, ad illum, Rheticam docentem, accessisse, atque pauperate pressum, ingenuo professum, se mille drachmas, quanti doceret Hocrates, huic numerare non posse, se autem ducentas, quas possideret, daturum, si modo quintam artis partem ei cognoscere liceret. Cui Isocrates, qui summum Græciae Oratorem hunc juvenem olim futurum prævidebat, respondit: *ε τεμαὶ ζομεν, ὁ Δημόθενος τὴν πραγματείαν ὥσπερ δε τὰς καλές ιχθύς ὅλες πωλεῖμεν, οὐτω καγάσοι, εἰ βέλοι ματέθενεν, ἀλογονούς αἴποδόσομαι τὴν τέχνην, idest: Non comminuere in frusta solemus, O Demosthenes, artem nostram; sed quemadmodum bonos pisces vendimus integros, sic & ego tibi, si discipulus meus esse volés, artem numeris suis absolutam tradam (a). Si porro calculum instituamus* *salariorum, quæ Hocrates a discipulis, in suam scholam*
ad.

(a) Vid. PLUTARCHI Vit. Isocratis p. m. 1023.

admissis, postulavit, non mirabimur, ejus opes insigniter qvotannis increvisse. Esto enim, eum mille drachmas tantummodo accepisse, & quemlibet proinde discipulum ad tenorem nostræ monetæ circiter 90 thaleros Imperiales pependisse, attamen qvum centuni & ultra simul numerare posset Scholares, qvisque intelligit Isocratis opes & ex schola redditus fuisse plane insignes (b). Qvamobrem etiam de eo testatur PLUTARCHUS, tantas eum coegerisse pecunias, qvantas nemo aliis oratoriæ artis Magister habuit (c). Et quum magna etiam apud Principes hujus artis, quos suis scriptis libi devincire studebat, gratia valuerit, multis quoque & amplissimis ab eis iterum iterum qve ornatus fuit muneribus Memoriæ nimirum proditum est, illum a TIMOTHEO, Cononis filio, qui adhuc juvenis institutione Isocratis usus, multas cum ipso peragrasset urbes, pro Litteris, ad Athenienses mittendis, integrum accepisse talentum, e pecuniis, in expeditione Samia partis, desumtum (d). Præterea qvoque a NICOCLE, EVAGORÆ filio, Cypriorum Rege, ob Orationem ei inscriptam, in qua tamen populo patrocinatur & officiis Regum expositis eum ad regnum clementer ac feliciter administrandum præceptis instituit saluberrimis, viginti talentis fuit donatus (e). Tantis vero instructus opibus non potuit non in civium suorum invidiam incidere, adeo ut ter designaretur trierarchus, cui injunctum fuit triremem suis

(b) Præmium institutionis a qvovis discipulo solvendum perhibet D:rus ROLLIN fuisse duo millia drachmarum vid. *L' Histoire Ancienne Tom. XII p. m. 301*; sed qva fide hoc adseratur, ignoramus, qvum aliud ex citato inter ISOCRATEM & DEMOSTHENEM contractu seqvatur. Præterea in laudem Isocratis præunte Plutarcho hoc addit D:rus ROLLIN citat loco: qu'il ne prenoit rien des *Citoyens d'Athènes, mais seulement des Etrangers.*

(c) Vid. PLUTARCH: in vit Isocratis p. m. 1026.

(d) Vid. PLUTARCH. Loc. nuper citat.

(e) Vid. PLUTARCHI Loc. nuper cit.

suis sumtibus in patriæ necessitates instruere, qvod vero sumtuosum onus bis a se amovit (f).

§. IV.

Quamvis autem ISOCRATES tantas, quantitas modo commemoravimus, sibi comparasset opes; verisimile tamen non est, eum avaritiae stimulis fuisse agitatum, sed potius cæterorum sui ævi philosophorum, vix pro minori salario docentium, morem esse imitatum. Profecto ab initio Scholæ a se constitutæ, in lucri studium non propendebat. Perhibent enim Scriptores, illum, quando merces prima vice ei numeraretur, lacrymas effudisse, seqve hac accepta venundatum, esse conqvestum, simulque promisisse, se decem millia drachmarum ei daturum, qui animi audaciam & vocis magnitudinem ei tribueret (a). Sicut autem invidia est gloriæ comes; ita Isocrates vehementissimis Sophistarum exagitatus fuit calumniis, de fama ejus, quantum possent, detrahere annitentium, plurimasque ei adferentium molestias. Optimum vero ei præbuit solarium amicitia sapientum ac proborum, quorum uiebatur confortio. Arctissimo imprimis cum PLATONE, magnæ inter cives suos auctoritatis & dignitatis Viro (b), multisque aliis, qvibus patria sua hoc tempore floruit, conjunctus fuit familiaritatis vinculo, qvorum prolixam ac continuam in se benevolentiam fuit expertus. Litterarum quoque cum PHILIPPO, Macedonum Rege, habuit commercium, multa ei subministrans consilia, qvorum in rebus suis gerendis PHILIPPUS sæpe agnovit præstantiam (c). Qyum vero idem Rex, suis non contentus ditionibus, bellum Atheniensibus intulisset, & totius ferme Græciæ

B

vire
s

(a) vid. PLUTARCHI in vita Isocratis.

(b) Vid. Reise des Jungen Anacharsis durch Griechenland von BARTHELLEMET Part. II p. 113 seq.

(c) Vid. Hieron. WOLFII Scripta Isocratis p. m. 972 seq.

vires in gravissima ad Cherontam clade contrivisset, Isocrates accepto de ingenti ista Atheniensium clade nuntio, ægritudine confectus, indicta sibi inedia, mortem oppedit, anno ætatis nonagesimo octavo, quum prius trium EURIPIDIS fabularum primos recitasset versus (d). In memoriam magni hujus, dum viveret, & post fata desideratissimi Oratoris, supra sepulchro ejus erecta fuit columna triginta cubitorum, in cuius fastigio Siren septem cubitorum ad eloquentiae suavitatem designandam, fuit collocata (e). Neque procul inde absuit mensa, in qua parentes & præceptores sui, & inter ceteros Gorgias, Iphæram celestem inuens, representabantur (f). Dicavit etiam Isocrati statuam æream Timotheus, Cononis filius, cum hac Inscriptione.

Τιμόθεος Φίλας τε χάριν γενίντε δ' προτιμῶ
Ισοράτες ἐπώ τὴν διαδήνη Θεᾶς.

Δεοχάρες ἔγον. id est:

Hanc statuam Isocratis voluit sacrare deabus
Timotheus, constans cultor amicitiae

Leocharis opus (g).

Aphareus quoque, quem filium adoptaverat Isocrates, statuam ei erexit in æde Jovis Olympii, cui hæc insculpta fuerunt verba:

Ισοράτες ἀΦαρεὺς πατρὸς ἐκόνα τὴν διαδήνη
Ζνῆ, Θεᾶς τε σέβων, καὶ γονέων ἀρετῆν. Id est
Effigiem patris hancce Jovi Isocratis pietatis
In patrem atque Deos ergo Aphareus posuit (h).

Atque hæc sunt pauca illa, quæ de vita & charactere Isocratis in medium adferre nobis licuit; filium vero dilectionis heic abrumpere nos cogit temporis, quæ premimur, angustia; quod vero, si meliorem obtinemus occasionem, aliquando forsitan retractabimus.

(d) Vid. Plutarchi Libr. cit.

(e f) Vid. cit. Plutarchi Libr. p. 1031 & seq.

(g & h) Vid. cit. PLUTARCHI Libr. p. 1032 & seq.